

tius, vacuatum esse) ex vacuatione nascitur cupiditas ejus, quod vacuationi contrarium est, repletionis videlicet, sed cum corpus repletionem apprehendere non possit, quia non id ipsum quod patitur, sed quod ei contrarium est concupiscit: superest ut illam ab anima dicamus apprehendi, memoriae adminiculo. Ex ea certè disputatione, cujus summa hæc est, tandem hæc colligit Socrates, Corpus igitur nostrum nequaquam sitire, aut esurire, aut aliquid tale pati, ratiocinatio hæc evincit.

## EXERCITATIO LXXXVIII.

*Finis Dialogi, ubi de tertio sensus gradu,  
qui est iudicium.*

I. **Q**U. De tertio sensus gradu, si quid habes, prome, ut finiamus hunc dialogum. Ro. De hoc tertio gradu, qui in iudicio consistit, nihil addi nunc opus fuerit, præter hoc unum, quòd iudicium quoque illud sensus appellatione comprehendatur, id quod exemplum suprà allatum satis declarat, dicimus enim nos videre baculum, cujus tantùm color oculos afficit, quem colorem iudicandi facultas, quæ in anima nostra est, baculo ut subjecto attribuit, for-

R r                      mando